

**I – AKTI OPĆINSKOG VIJEĆA**

Na osnovu člana 12. Odluke o ustanovljenju i dodjeli Spomen plakete općine Zavidovići i drugih općinskih priznanja («Službeni glasnik općine Zavidovići» broj 3/2001) i člana 25. Statuta općine Zavidovići («Službeni glasnik općine Zavidovići» broj 5/08 i 5a/08), Općinsko vijeće Zavidovići na 26.sjednici od 07.09.2010.godine, donijelo je

**O D L U K U****o dodjeli Spomen plakete Općine Zavidovići u 2010.godini****Član 1.**

U povodu 15. septembra – Dana općine Zavidovići, Općinsko vijeće Zavidovići u 2010. godini dodjeljuje 4 (četiri) pojedinačne Spomen plakete Općine Zavidovići.

**Član 2.**

Pojedinačna Spomen plaketa Općine Zavidovići u 2010.godini dodjeljuje se:

- 1. BURKIĆ (Niko) GORDANA**, za doprinos u sferi humanitarnog rada,
- 2. POLIĆ (Bego) SAFET**, za doprinos u sferi humanitarnog rada i razvoja lokalne zajednice,
- 3. BLAGOJEVIĆ (Đorđe) MILENKO**, posthumno, za doprinos u razvoju borilačkih sportova,
- 4. MAČAK (Munib) NIJAZ**, za doprinos u sferi humanitarnog rada.

**Član 3.**

Dobitniku pojedinačne Spomen plakete općine Zavidovići u 2010.godini, uz Spomen plaketu dodjeljuje se i novčana nagrada u iznosu od 300,00 KM (slovima: tristotine KM).

**Član 4.**

Dobitnicima Spomen plakete iz člana 2. ove Odluke, Spomen plaketa Općine Zavidovići, uručit će se na Svečanoj sjednici Općinskog vijeća Zavidovići.

**Član 5.**

Odluka stupa na snagu danom donošenja i bit će objavljena u «Službenom glasniku općine Zavidovići».

OPĆINA ZAVIDOVIĆI  
- OPĆINSKO VIJEĆE -

Broj: 01-05-3634/10  
Dana, 07.09.2010.godine

PREDSJEDAVAJUĆI  
OPĆINSKOG VIJEĆA

ing.Radosav Petrović, s.r.

(M.P.)

## O b r a z l o Ź e n j e

### PRAVNI OSNOV

Pravni osnov za donošenje Odluke o dodjeli Spomen plakete općine Zavidovići u 2010. godini sadržan je u odredbama Odluke o ustanovljenju i dodjeli Spomen plakete općine Zavidovići i drugih općinskih priznanja («Službeni glasnik općine Zavidovići», broj 3/2001).

### RAZLOZI ZA DONOŠENJE ODLUKE

Odlukom o ustanovljenju i dodjeli Spomen plakete općine Zavidovići i drugih općinskih priznanja utvrđeno je da Općinsko vijeće donosi odluku o dobitnicima Spomen plakete i odluku o proglašenju počasnog građanina.

Novčana nagrada, kao samostalni vid nagrade nije predviđena i ona se saglasno raspoloživim sredstvima po odluci Općinskog vijeća može dodjeljivati pojedincima – dobitnicima Spomen plakete.

Komisija za društvene djelatnosti, ljudska prava, mlade i ravnopravnost spolova, uputila je raspis – inicijativu svim pravnim subjektima na području općine Zavidovići za predlaganje kandidata za dobitnike Spomen plakete općine Zavidovići ili drugog općinskog priznanja, a prema Odluci o dodjeli Spomen plakete općine Zavidovići i drugih priznanja.

Komisija za društvene djelatnosti, ljudska prava, mlade i ravnopravnost spolova, dostavljeni su prijedozi od sljedećih subjekata:

Red. broj	NAZIV SUBJEKTA KOJI PREDLAŽE	PREDLOŽENI KANDIDAT SUBJEKAT	OPĆINSKO PRIZNANJE
1	2	3	4
1.	Lovačka organizacija „Klek“ Zavidovići	Lovačka organizacija „Klek“ Zavidovići	Spomen plaketa
2.	UG „Veliki napredak“ Zavidovići	Burkić Gordana	Spomen plaketa
3.	A-SDA Zavidovići Općinski odbor	Burkić Gordana	Spomen plaketa
4.	Udruženje boraca „Patriotske lige“ Zavidovići	Burkić Gordana	Spomen plaketa
5.	Služba za upravu društ. djelatnosti i opću upravu	Burkić Gordana	Spomen plaketa
6.	Savez karate klubova u Federaciji BiH	Mrđanović Nermin	Javno priznanje
7.	Mjesna zajednica „Rujnica“	Mjesna zajednica „Rujnica“	Jedno od priznanja
8.	Mjesna zajednica „Brezik“	Burkić Gordana	Spomen plaketa
9.	Stranka penzionera umirovljenika BiH	Imšriović Derviš Avdić Zejnil Burazerović Gospa	Spomen plaketa Pismena pohvala Nagrada u predmetima
10.	Mjesna zajednica „Mahoje“	D.O.O. „Prevoz putnika“	Spomen plaketa
11.	KUD „Krivaja“ Zavidovići	Bajrić (Rasim) Enes	Spomen plaketa

12.	Socijaldemokratska partija BiH Zavidovići	Ferid Kaknjašević Gordana Burkić Izet Ridžal KK „Krivaja“ Zavidovići MNK „Libero“ Zavidovići	Spomen plaketa Spomen plaketa Spomen plaketa Spomen plaketa Spomen plaketa
13.	Bosanska stranka - Mirnes Ajanović (BOSS) Zdići	Marušić Mirsad-Mičo Klub Radio amatera Zavidovići	Spomen plaketa Spomen plaketa
14.	Mjesna zajednica „Donji Gostović“	Preduzeće „Almy“ Suljić Edhem Fojnica (Derve) Remzo Mehić (Ibrišima) Elvir Mehić (Mehe) Ramo	Spomen plaketa Spomen plaketa Pismena pohvala Pismena zahvalnica Nagrada u predmetima
15.	Nogometni klub „Krivaja“ Zavidovići	Nogometni klub „Krivaja“ Zavidovići Blagojević Milenko - posthumno	Spomen plaketa Spomen plaketa
16.	Mjesna zajednica „Gostović“	Polić (Bege) Safet Mjesna zajednica „Gostović“ Sinanović (Nusreta) Nusret Buljubašić (Ferida) Elvisa Buljubašić Bego Husanović Ramiz	Spomen plaketa Spomen plaketa Pismena pohvala Pismena pohvala Pismena zahvalnica Nagrada u predmetima
17.	Mjesna zajednica „Krivaja-Smailbašići“	Gordana Burkić Vijeće BiH Organizacija Australija - predsjednica Senada Softić-Telalović	Spomen plaketa Pismena zahvalnica
18.	H.O. „Merhamet“ MDD OO Zavidovići	Kadić Mehmed Zahirović Velid (Tadžir) – posthumno Čehajić Esad	Spomen plaketa Pismena pohvala Pismena zahvalnica
19.	JOB „Unija veterana“ OO Zavidovići	Gordana Burkić Mehmed Kadić „Zlatara Ahmetović“ Adem Zilkić Osnovna škola „Kovači“ Dževdet Bukvić	Spomen plaketa Spomen plaketa Pismena pohvala Pismena pohvala Pismena zahvalnica Nagrada u predmetima
20.	Organizacija porodica šehida i poginulih boraca Zavidovići	Redžić Ismet	Spomen plaketa
21.	Stranka demokratske akcije OO Zavidovići	Preduzeće „Almy“ d.o.o. Nazif Puteš Senija Biogradlija	Spomen plaketa Počasni građanin Pismena zahvalnica
22.	Mjesna zajednica „Asim Čamdžić“	Burkić (Nike) Gordana Hamidović (Ibre) Hasan	Spomen plaketa Pismena pohvala i Pismena zahvalnica

Komisija za društvene djelatnosti, ljudska prava, mlade i ravnopravnost spolova, na sjednici održanoj dana 25.08.2010.godine uzela je u razmatranje sve pristigle prijedloge.

Nakon sistematizovanja prispjelih prijedloga, Komisija za društvene djelatnosti, ljudska prava, mlade i ravnopravnost spolova, odlučila je jednoglasno da Općinskom vijeću predloži da Spomen plaketu dodijeli pojedincima sa obrazloženjem koje su izvorno dali predlagači, a koje je ujedno i bilo osnov za predlaganje ovakve odluke.

Za dodjelu Spomen plakete Komisija predlaže 3 (tri) pojedinačne.

1. Za dodjelu Spomen plakete pojedinačnom dobitniku **BURKIĆ (NIKE) GORDANI**, za doprinos u sferi humanitarnog rada, predložili su: UG „Veliki napredak“ Zavidovići, Općinski odbor ASDA Zavidovići, Udruženje boraca „Patriotska liga“ Zavidovići, Služba za upravu društvenih djelatnosti i opću upravu Općine Zavidovići, Mjesna zajednica „Brezik“, Socijdemokratska partija BiH Zavidovići, Mjesna zajednica „Krivaja-Smailbašići“, JOB „Unija veterana“ Zavidovići i Mjesna zajednica „Asim Čamdžić“.

Obzirom da je uz prijedloge gore navedenih subjekata i organizacija, obrazloženje i biografija za predloženu Gordanu Burkić dostavljena veoma slična ili jednaka, navodimo u cijelosti tekst samo jedne od prisjelih biografija - (Služba za upravu društvenih djelatnosti i opću upravu Općine Zavidovići).

**Gordana Burkić** rođena je u Sarajevu, općina Ilidža 1957. godine. Završila je srednju trgovačku školu i udala se u Zavidoviće. Dolaskom u naš grad uključila se svesrdno u pomoći nezbrinutim porodicama u gradu koji je zahvaćen ratom.

Gordana Burkić je bila cijeli rat u našem gradu i pomagala našim borcima u raznim vidovima pomoći: kuhala je i prikupljala hranu za naše ranjenike i nosila u bolnicu, organizirala razne priredbe u podrumima zgrada da bi djeci učinila život podnošljivijim i spašavala ih od granata. Bila je borac i vojnik i tako doprinosila odbrani našeg grada.

Odmah po završetku rata 1996. godine, Gordana Burkić se uključila u Humanitarnu organizaciju „Pomagači bez granica“, internacionalnu organizaciju, koja se bavi humanitarnim radom. Kao dokazani humanista, oko sebe je okupila veliki broj znamenitih ljudi spremnih da pomognu unesrećenim ljudima i djeci. U početku, brojni donatori iz Njemačke slali su našim ljudima hranu, sredstva za higijenu, garderobu, lijekove i invalidska pomagala kao najnužnija sredstva za opstanak. Gordana Burkić je animirala znatan broj žena iz Zavidovića da se uključe u rad ove organizacije. Uspostavila je i čvrstu saradnju sa drugim nevladinim organizacijama u gradu i bila animator i glavni pokretač pomoći osiromašenim ljudima i beskućnicima. Njen nesebičan rad je ubrzo primjećen i vrednovan vrlo visokim ocjenama, pa je stekla ugled i poštovanje brojnih donatora u Njemačkoj, Italiji i Francuskoj. Naročitu pažnju usmjerila je na pomoć djeci bez roditelja i socijalno ugroženoj djeci za koje je obezbjeđivala novčane priloge donatora.

Na njenom spisku pomoći je preko 400 djece koje su finansirali sponzori u novčanom iznosu od 100 do 200 KM mjesečno u svrhu osnovnog i srednjoškolskog obrazovanja. Danas ovu pomoć koristi tačno 140 djece.

Posebna njena aktivnost je na posredovanju za stipendiranje nadarenih učenika za školovanje na fakultetima. Trenutno 23 studenta dobijaju bespovratne stipendije, u iznosu od 150 KM mjesečno. Neki su već ranije, zahvaljujući upravo Gordani Burkić, završili fakultete i zaposlili se u gradu i van njega i tako ostvarili svoje životne ciljeve.

Nadalje, Gordana Burkić je uspjela da uspostavi lične kontakte korisnika pomoći i sponzora i donatora, poveže ljude dobre volje sa našim ljudima i tako spoji različite kulture, običaje i karaktere. To je ona nemjerljiva vrijednost koju je učinila svojim ličnim angažmanom. U saradnji sa UG „Veliki napredak“ Zavidovići obezbijedila je sredstva za popravku, adaptaciju i gradnju 21 privatne kuće i tako obezbijedila krov nad glavom za više od 110 ljudi na području naše općine.

Njen volonterski rad, požrtvovanost i nesebičnost poznati su ne samo korisnicima njene pomoći, saradnicima i aktivistima, nego i mnogim građanima naše općine i šire. Sa svima Gordana Burkić podijeli riječi pažnje i utjehe, a naročito su joj slaba strana djeca kojima majčinski i nježno dijeli savjete i upute u rješavanju brojnih nedaća.

Cijeneći njenu požrtvovanost i energiju u plemenitom radu kojim se bavi, smatramo da Gordana Burkić zaslužuje ovo visoko i ugledno priznanje i zato je predlažemo kao kandidata za

Spomen plaketu općine Zavidovići. Time će i njen sveukupni rad dobiti na težini i vrijednosti, a mnogi njeni korisnici pomoći bit će sretni, jer će nagrada biti dodijeljena u prave ruke.

2. Za dodjelu Spomen plakete pojedinačnom dobitniku **POLIĆ (BEGE) SAFETU**, za doprinos u sferi humanitarnog rada i razvoja lokalne zajednice, predložila je Mjesna zajednica „Gostović“.

**Polić Safet**, sin Bege i Fate (rod.Hrkić), rođen je 07.05.1968. godine u Bajvatima u opštini Zavidovići, kao sedmo dijete od ukupno osmero djece. Oženjen je i otac dvoje djece.

Osnovno obrazovanje stekao je u Osnovnoj školi „Gostović“. Srednju školu je pohađao u Gazi Husrev-begovoj medresi u Sarajevu, koju zbog isključenja napušta i nastavlja školovanje u Aladin medresi u Prištini, a koju zbog odlaska u tadašnju JNA prekida, tako da srednju školu i zvanje automehaničara kasnije stiže u Zavidovićima.

Nakon odsluženja vojnog roka 1989. godine odlazi u Varaždin (Republiku Hrvatska) gdje sklapa poslovni ugovor sa Hrvatskom poštom za polaganje PTT kabla i u isto vrijeme ugovor sa Slovenačkim plinovodom za polaganje plinskih cijevi i sa sklopljenim ugovorima dolazi u Zavidoviće i preko Omladinske zadruge zapošljava četrdesetak radnika sa opštine Zavidovići i tamo ostaje sve do početka rata u Hrvatskoj.

Po povratku u Bosnu i Hercegovinu pristupa redovima Stranke demokratske akcije, jednoj od političkih stranaka u kojoj aktivno radi i gdje biva biran za dopredsjednika ogranka Bajvati. Početkom rata u Bosni i Hercegovini radi na formiranju interventnog voda i tu ostaje sve do formiranja IDC „Asim Čamdžić“, a po formiranju četvrtog manevarskog bataljona biva određen za vojnog imama gdje i dočekuje kraj rata u BiH. Po završetku rata radi kao mjesni imam u Bajvatima.

Godine 1997. odlazi u Italiju i godinu dana poslije počinje da radi u jednoj italijanskoj elektro firmi, gdje ostaje sve do 2003. godine, kada odlučuje da se upusti u samostalni rad i otvara firmu za izvođenje elektro radova u koju zapošljava dvadesetak radnika sa općine Zavidovići i kojima obezbjeđuje potrebnu dokumentaciju za rad u Italiji, da bi potom svoje poslovanje proširio i na područje Bosne i Hercegovine. Na opštini Zavidovići pokreće Eurosystem, firmu za izvođenje elektro radova, video-nadzornih sistema i alarma u kojoj zapošljava pet radnika i koja i danas aktivno radi. U isto vrijeme radi na oživljavanju turističke destinacije Buretina, gdje pristupa izgradnji turističkog kompleksa ribogojilišta, restorana, etno sela i sportskih terena, koji su u izgradnji, a u koja ulaže znatan kapital i zapošljava pet radnika. Svojim radom i djelovanjem aktivno učestvuje u mnogim projektima bitnim za razvoj i napredak opštine Zavidovići, od kojih se posebno mogu izdvojiti pomoć u izgradnji vjerskih objekata (Džamija), a posebno učešće uzima u izgradnji nove gradske Džamije u Zavidovićima kao i Džamije u rodnim Bajvatima, gdje mu u znak zahvalnosti i nesebičnog zalaganja, džematlije pružaju čast da otvori novoizgrađenu džamiju.

Danas živi u Zavidovićima i koordinira radom firmi u Italiji i Zavidovićima, a posebne napore ulaže oko izgradnje turističke destinacije Buretina.

3. Za dodjelu Spomen plakete pojedinačnom dobitniku **BLAGOJEVIĆ (ĐORĐA) MILENKU**- posthumno, za doprinos u razvoju borilačkih sportova, predložio je Nogometni klub „Krivaja“ Zavidovići.

**Milenko Blagojević** je nakon duge i teške bolesti preminuo u 57. godini života.

Milenko je bio poznati trener kerate sporta u Zavidovićima i pionir ovog sporta u našem gradu. Odgajao je brojne generacije takmičara i učio ih, ne samo sportskim i borilačkim, nego i pravim ljudskim vrijednostima.

Čitav svoj životni vijek, pa i onaj najteži dio u toku rata, proveo je u svojim Zavidovićima.

Dodjelom ove nagrade, grad Zavidovići bi ostavio trajno sjećanje na ovog uzornog sportistu i sportskog radnika.

Nadamo se da ćete kod donošenja Vaše konačne odluke uvažiti ovaj naš prijedlog, posebno iz razloga što nam je cilj da svi oni koji su angažovani u sportu našeg grada i koji su ostavili upečatljiv trag, budu adekvatno nagrađeni i otrgnuti od zaborava.

Na osnovu naprijed izloženog, Komisija za društvene djelatnosti, ljudska prava, mlade i ravnopravnost spolova predlaže Općinskom vijeću da usvoji Odluku u predloženom tekstu.

**PREDSJEDNIK  
KOMISIJE ZA DRUŠTVENE DJELATNOSTI, LJUDSKA PRAVA,  
MLADE I RAVNOPRAVNOST SPOLOVA**

**Kadić Elvira**